

**Na Palm Beach Plaza Mall**

# Artista Elisa Lejuez Peters ta e Reina Caribense pa November



E tienda di Caribbean Queen, situa den e Palm Beach Plaza Mall, ta honrando hende muhenan local cu ta biba y crea riba e isla, desde cu e tienda a habri na fin di December 2011. Pa November, e tienda a declara artista Elisa Lejuez como su Reina Caribense, ofreciendo un exposicion di su obranan bunita y atrevido den e tienda. Elisa ta un pintora prolífico, kende a caba di regresa for di New York unda el a expone su obranan na e Sohotel Artspace Gallery, na cuminsamento di October. New York a ricibi e artista Caribense Hulandes cu brasa habri, mustrandu hopi aprecio pa su combinacionnan di colornan vibrante y atraccion universal y contempora-

neo.

Pa su exposicion na e tienda di Caribbean Queen, el a wordo inspira pa Alfred North Whitehead, 1861, kende a bisa: "Arte ta e imposicion di un patronchi riba experiencia, y nos disfrutacion estetico ta e reconocimiento di e patronchi aki." El a encontra inspiracion pa e coleccion aki den diferente patronchi, procedente di diferente cultura. "Patrochinan di imprenta," e ta splica, "tabata un medio importante pa mi, ya cu e elementonan di e patronchi ta ripiti na un manera cu bo por pronostica, creando ritmo y harmonia. Ya cu patronchinan ta basa riba 'templates' of

modelonan, si nan tin suficiente den comun e sinergia unico ta wordo crea, expresa den colornan, liñanan y forman," e ta bisa.

"Semper mi a wordo inspira pa patronchinan y manera cu nan ta hunga cu otro," e ta agrega. Y no por cuestiona esaki mes ora cu nos wak cu Elisa su prome trabou como un diseñador di tela pa varios compania Hulandes a permiti'e e oportunidad pa biaha pa e continente Asiatico y otro parti exotico di mundo. Trahando como un diseñador di tela Elisa a gana impresionnan precioso cu a bira e fundacion di su bida artistico.